

全椒縣志
一

地 23-28
27
=10 ←

全椒縣志

輿地建置

蓬左文庫

部門冊數

三八

四

一六〇

題全椒縣志叙

椒邑之載于漢史也自柎長劉

公子始也秦開郡縣是始有椒

而其後陵谷變移歷朝更隸椒

名至今不改椒邑之著于我

朝也自柎先哲樂祭酒始也



高皇帝龍飛淮甸英豪景從而
祭酒起布衣潤色皇猷榘遂以
彈丸雄海內顧吊古循良者望
陟山神山諸勝依稀劉長憇棠
凌霜擎漢渡虎輸鏹之遺蹟尚
新故人知有榘獨樂祭酒詞高

一代業承千秋而父母邑乘缺
焉弗脩孔子為魯作春秋何居
焉故人不知榘世代沿革之故
與夫形勝人物之盛自萬曆庚
辰令晉江田君有志而蒐羅未
廣浸假更張安所憑記載而信

之今又巖楊君亦晉人也

荆巖宗伯文恪公為不佞座師
君為介弟家學淵源人推二陸
其令於枺也德政令聞不脛回
馳余叨成均接

留都

諸當道先生輒稱楊令賢而政
事之暇重新前志揮灑如椽編
緝斷簡為經者十為目者七十
有三條貫畢舉巨細靡遺成書
具在可鏡也余讀志見枺垣不
能三十里董董捍倉庫賦役戶

口不能當繁華十一而民俗王
風泱泱大國至於元勳蓋臣朝
英閨節閃若霞布而君之採芳
搜躅燦若列眉固知椒物雖盛
闡揚益彰文明宣營之功寧在
敷土奠川之下吁嗟劉公子干

古循吏以余聞楊君行事並列
漢史未知軒輊乃其具才八面
握管三長勒為信史據諸罔極
此樂祭酒所闕略于父母之邦
者得君修葺而始無憾也文章
政事余于斯志窺一斑云

賜進士及第左春坊左中允兼翰林院編脩前南京國子監司業長水施鳳來撰



全椒縣志叙

令揚道臣曰椒志之修自前令田公紫山也蓋四十年而復有今日之修修諸耳目睹記百不失一修諸既往傳聞百不得一後之視今猶今之視昔是故沿

革廢置污隆盛衰之蹟寧詳毋
畧且韓起觀書于魯而知周之
德與周所以王也延陵聞帝王
列國之風占存亡若燭照我

高皇帝開闢寔始于椒而首用
樂祭酒黼黻潤色寔為椒人至

于親賢樂利比諸岐豐列聖紹
休化行俗美生齒蕃庶戶口寢
增維無瑤琨篠簜齒革毛羽可
登天府而物產之利山澤自饒
聖王氣思帝德咏絃誦卜曆筭
于斯焉在是故寧詳毋畧然詳

而不溢畧而不漏余酌焉冀為
信史已矣獨恠滌守永叔椒長
公子循吏風流漢宋相埒而椒
雖隸滌其神山銅井諸勝何遜
于豐樂醉翁乃滌藉永叔名雄
海內漢史僅載劉叔長山水無

稱何哉公子治行至今爛焉足
述而代遠跡湮即有憇菱遺棠
無復可憑而吊者歐公氣節文
章凌厲千古一吟一咏頓令山
川章闡生色隨其譙飲嘯坐之
處令人仰止顧瞻徘徊而不忍

去雖然椒遇公子故椒以劉傳
滁遇永叔故滁以歐重第山川
有顯晦之異耳永叔有言地介
江淮民無外事安于衣食猷畝
夫非滁俗之美而椒所同與移
風易俗繫官師是賴余于官師

獨致意焉賢有司三歲一遷口
碑為徵鄉之先達余不及事母
亦月旦評是信而人各有喙甲
乙靡定是故寧漏毋溢節烈隱
逸多于是矣而孝行亦塵又蓋
其嚴也椒自四十年以來芳標

全明集志 卷之四
懿行文物衣冠彌昌彌熾匪朝
伊夕余恨不能張而大之俾神
山銅井諸勝擅靈詫異惟是夏
蟲語冰束于剏聞奉教于士大
夫君子而相與揚扆佐翼盛事
其敢自以為勞公子永叔所不

敢望後之人睹已成書閱世代
年月而知其修自道臣也附青
雲以聲施千秋如是焉已矣昔
泰昌元年冬十有一月

舊志序

昔韓宣子適魯觀書於太史氏見魯春秋喟然嘆曰周禮盡在魯矣夫列國之有史郡縣之有志蓋古也全椒古南譙地自漢劉公子以善政內徵代爲著邑山川之涵毓人物之魁奇賢士大夫之過化民風壤

則有切實用者後之人往往欲有所尋逐非盡耳而目之也亦以考信相仍筆縣乘者厥有論次耳余至椒踰月卽索志觀之志久滂滅自弘治歲辛亥輟筆于梅莊黃公迄今數十春秋無復蒐見聞以附諸版者豈故難其事而未及爲謀抑屢謀其事

而卒無以次之也余謂志信史也信斯傳乃邑博思齋吳君道吾楊君鄉先生西村汪君亞元阜山吳君進士岐陽彭君冲所楊君者余知其能信已遂走幣以請又選衿彥中閱博者四人以襄其事再閱月而稿成政暇因爲之編次復僭引其端而謬

贊之爲表四爲志八爲傳八復以雜著

宸翰藝文附焉訛者訂之戾者刪之未備者補之不述者揚之綱總目分哀爲四卷手其編而試加睇盼一邑之風槩燭然在目矣由是而吏茲土者匪曰傳舍而往蹟昭也由是而產諸土者匪曰寥墮而實

行播也後有君子以覽觀焉鏡今軌昔要不失爲魯太史之遺意也洵可以信可以傳矣豈徒取其搜剔故事自詫一時耶遂捐秩粟以命之鑱工而書此以弁其首若曰文不雅馴而更有所求是不無望於後人云茲舉也相其成者幕寮龍山魯君樂

其成者則司教養初陳君四彥則吳氏士
勲汪氏如水屠氏好詩吳氏來聘繕贍鑄
梓執事役也法亦具載之時

萬曆八年歲次庚辰孟秋吉日直隸滁州
全椒縣知縣晉江田挺謹撰書于仰劉堂

舊志序

椒固古建邑自漢初降統歷正變籍分僑
著雖號為紛張制置者其名治卒不變云
邑西北負山龍從萃律逶迤南拆直東而
復北止如覆釜衆山瀼流摠輸灌河環帶
其後而紆委東注于江盤亘泗旋綿厚沉

欽定四庫全書
卷一百一十五
不與時流易者可知也歷代皆為僻壤

聖祖龍飛濠滁由和渡江旄幟甲馬所經
父老猶歷歷能指其跡方是時應運恢業
宣文炳治則樂公韶鳳倡其猷奮武揚勲
則武平南和薦其烈他諸翼贊夾從錯布

弁籍屢更僕未易悉今二百年來訊其子
孫若祖茫顧錯愕莫知置對漢循吏最著
劉平寔為長建武間史所稱百姓懷感至
增貲就賦減年從役由今章縫樂道之然
俗醇民良山川不改而遺風善政蒐羅通
博之士法古勤民之吏罔所攷鏡焉余嘗

深切茲慨則詢黃髮抄敝笥得舊志烟燼
上塵落不可讀因取胡莊肅公滌志所附
及戚南玄先生緝未就業者漸次補綴爰
從白下携之大江之西轅檝蓋環均宜處
言蠡澤廬阜未嘗不與俱而學非貫洽才
謝燕長每一伸紙歆有所署筆輒忽縮不
能下隨復卷去無幾廼邑紫山田侯緘一
帙遺之且命曰此拙志也吾既嘉與鄉縉
紳士成之幸為我序諸端敬展讀則提綱
以表志傳附而分目以與地沿革逮及藝
文記序森森目前凡義昔缺然者靡纖不
備余不覺失所不能狀喟然作而歎曰嗟